

Poesia in dialetto
"SGUNDEN"

La Pavarèra

L'é la frasiòn pö grossa ad Sasgond,
divisa da 'na strada provinciala da séma a fond,
la Pavarèra ad sura, la Pavarèra ad sóta, l'é ciamada
da tött i braciànt chi l'àn lavurada.

La cunfé'na cm'al turent Arvacia,
l'é tèra forta, d'istà la sóta l'é 'na minacia;

l'é la tèra di mlunèr e d'la furtana
cla s' cumpagna ben a magnar la spala,
ma sl'é cürada a temp e con pasiòn
i prudot ien i pö bon dal nostar Cmon.

I mlunèr Caplón, Busèl, Negri, Masulén
i furneven i casòt a Bardàn, Patrach, Miclén.

A gh'era casèi da furmai in tött la zona,
is litigaven al stali pr'aver la "quota buona".

E di paisàn in d'la confusiòn i profitaven,
in di capirón al lat con l'aqua i slungaven;

se dai cuntrol i chimich l'aqua i cataven,
dal grosi peni e dal multi i ciapaven.

A gh'era al mulén ad Pierino e Giüddita Mantuan
cm'i sacaroi chi masnaven tött al gran,

Pepino, Gualtiero, Canali, Zanard, Damian,
mulinèr ambülant a tött i paisàn.

I Sgunden vèc', ad'la Giüddita is ricurdaven
di fasulèt ad faréna dat dürant la guèra.

A gh'era la scöla pluri-classe in d'la cà di Blén
con la maestra Capra e la fiöla ad Curblén.

A gh'é i prà ad dentar tr'al Canal e la Fosa
con la racolta dal fén da tgnir ad scorta;

a gh'é di sit con dal curti grosi
abota genta ca lavura anca cme soci:

la Casèla, la Barcàsa, la Puntarnera, Clumbarón
con famì da spesa, da fagòt, vachèr, amzadar e padron.

I sit picén ien sparì, al cà ien vödi,
a sa spera sempar in dal generasiòn novi.



Remo Allegri